



FAGMENNSKA - SKÖPUN - SAMSTARF

Starfsáætlun 2022

Inngangur

AkureyrarAkademían (AkAk) er norðlenskt fræða- og menningarsetur með aðsetur í Sunnuhlíð 12, Akureyri, stofnað árið 2014, í samræmi við lög nr. 19/1988 um sjóði og stofnanir sem starfa samkvæmt staðfestri skipulagsskrá, en þá tók AkAk jafnframt við rekstri og starfsemi forvera síns, Félags sjálfstætt starfandi fræðimanna á Norðurlandi, stofnað árið 2006.

Í maí 2015 undirrituðu AkAk og mennta- og menningarmálaráðuneytið samning með hliðsjón af skipulagsskrá stofnunarinnar um ráðstöfun á rekstrarframlagi í fjárlögum sem lagði grunn að stöðugleika í rekstri og starfsemi stofnunarinnar. Gerður var viðauki við samninginn sem framlengdi gildistíma hans fyrir árin 2018-2021 og er nú unnið að því að nýr samstarfssamningur fyrir næstu ár leysi þann eldri af hólmi.

Meginhlutverk AkureyrarAkademíunnar samkvæmt skipulagsskrá og samningi við ráðuneytið er að starfrækja fræða- og menningarsetur á Akureyri til að bjóða háskólanemum og þeim sem fást við fræða- og ritstörf upp á aðstöðu til að vinna að hugðarefnum sínum og að styðja við rannsóknir og fræði með því að miðla þekkingu út í samfélagið og stuðla að umræðum í samstarfi við almenning, fyrirtæki, stofnanir og opinbera aðila. Skýrsla um 15 ára fræða- og menningarstarf á vettvangi AkAk sem kom út á síðasta ári sýnir að starf að þessum markmiðum hefur skilað góðum árangri og átt þátt í að styrkja búsetu og samfélag hér á svæðinu. Á þessum tíma hafa tæplega 100 einstaklingar haft samastað til sköpunar innan veggja AkAk sem tekur til tæplega 50 greina eða fræðasviða og einnig hefur AkAk staðið fyrir ríflega 150 viðburðum þar sem lögð hefur verið áhersla á að tengja saman ólíka hópa og að virkja almenning til þátttöku.

Núgildandi skipulagsskrá AkAk er nr. 764/20. júlí 2020. Stjórn AkAk skipa Steinunn A. Ólafsdóttir formaður, Þórhallur S. Bjarnason gjaldkeri, Sigurgeir Guðjónsson ritari og í fulltrúaráði eru Bergljót Þrastardóttir, Jakob Þór Kristjánsson, Margrét Guðmundsdóttir og Valgerður S. Bjarnadóttir. Framkvæmdastjóri í 50% starfi er Aðalheiður Steingrímsdóttir.

Starfsáætlun ársins 2022 skiptist í eftirtalin fjögur svið en hún byggir á stefnu AkAk 2021-2025 sem mörkuð var á ársfundi stofnunarinnar á síðasta ári.

1. Fjármál og rekstur
2. Aðstaða og faglegt starf
3. Miðlun upplýsinga
4. Ytra samstarf

Á starfsárinu 2022 mun AkAk kappkosta að styrkja enn frekar stöðu sína sem fræða- og menningarsetur á Norðurlandi eins og undanfarin ár.

Akureyri, 27. janúar 2022
Fyrir hönd AkureyrarAkademíunnar
Steinunn A. Ólafsdóttir stjórnarformaður
Aðalheiður Steingrímsdóttir framkvæmdastjóri

1. Fjármál og rekstur

Markmið	Aðgerðir/verkefni	Mælikvarðar
Að tryggja öryggi í fjármálum og stöðguleika í rekstri.	Að endurnýja samning við ráðuneytið til næstu ára.	Endurnýjaður samstarfssamningur. Ársreikningur og rekstraráætlun sýni stöðuga afkomu. Reglubundin yfirferð stjórnar yfir rekstrarstöðu AkAk. Undirbúningur rekstrar- og starfsáætlunar í desember fyrir árið 2023.
	Að halda traustum tengslum við ráðuneytið með samráðsfundum og upplýsingagjöf um fjármál og starfsemi AkAk.	Fjöldi árlegra samráðsfunda. Skil á upplýsingum til ráðuneytis, rekstrar- og starfsáætlun í janúar fyrir árið 2022 og starfsskýrsla og ársreikningur í júní.
	Að afla styrkja til að standa straum af kostnaði við að halda viðburði fyrir íbúa á Akureyri.	Fjöldi og upphæðir styrkveitinga á ári.

2. Aðstaða og faglegt starf

Markmið	Aðgerðir/verkefni	Mælikvarðar
Að veita háskólanemum og þeim sem sinna fræði- og ritstörfum góða aðstöðu til að vinna að hugðarefnum sínum með því að starfrækja öflugt fræða- og menningarsetur á Akureyri með áherslu á þverfaglegt og lifandi þekkingarsamfélag um menntun, menningu, rannsóknir og nýsköpun.	<p>Að bjóða upp á góða aðstöðu til háskólanáms, fræði- og ritstarfa, námskeiða og funda.</p> <p>Að miðla upplýsingum til akademóna um rannsóknarsjóði og styrki.</p> <p>Að veita akademónum aðstoð við styrkumsóknir og önnur verkefni þegar eftir því er leitað.</p> <p>Að viðhalda nýliðun í hópnum sem leigir vinnuaðstöðu hjá AkAk.</p>	<p>Viðhorfskönnun í apríl meðal þeirra sem leigja vinnuaðstöðu hjá AkAk um húsnæði, aðstöðu og þjónustu.</p> <p>Upplýsingum miðlað.</p> <p>Aðstoð við umsóknir og önnur verkefni.</p> <p>Að lágmarki 80% vinnuaðstöðu sé í útleigu hverju sinni.</p> <p>Upplýsingar um nýtingu á vinnuaðstöðu, menntunarstig þeirra sem leigja aðstöðu og faglega virkni á vettvangi AkAk.</p>
Að efla samveru akademóna og þverfaglegt samstarf á vettvangi AkAk.	<p>Að halda reglubundna súpufundi þar sem rætt er um starfsemi AkAk.</p> <p>Að halda jólaboð og fara í vorferð.</p> <p>Að akademónar kynni verkefni sín og haldi námskeið þegar eftir því er leitað.</p> <p>Að akademónar taki þátt í daglegri starfsemi á vettvangi AkAk og leggi sitt af mörkum til starfseminnar.</p>	<p>Súpufundir haldnir a.m.k. sjö sinnum yfir árið.</p> <p>Jólaboð haldið og farið í vorferð.</p> <p>Fjöldi kynninga og námskeiða.</p> <p>Fjöldi verkefna sem akademónar taka að sér.</p>
	Reglulegir fundir stjórnar og fulltrúarráðs og ársfundur AkAk í maí.	Fundir stjórnar og fulltrúaráðs haldnir og ársfundur.

3. Miðlun upplýsinga

Markmið	Aðgerðir/verkefni	Mælikvarðar
Að efla miðlun upplýsinga um starf á vettvangi AkAk til að auka sýnileika í samfélaginu.	Að endurskoða heimasíðu AkAk til að gera hana aðgengilegri og notendavænni.	Ný heimasíða tekin í notkun.
	Að gera skýrslu um verkefni og viðburði á vettvangi AkAk 2006-2021 aðgengilega í gagnagrunni á heimasíðu og uppfæra jöfnun höndum.	Gagnagrunnur á heimasíðu.
	Að nota skýrsluna til að kynna starfið á vettvangi AkAk.	Kynningarátætlun og fjöldi kynninga.
	Að efla miðlun á heimasíðu og samfélagsmiðlum um starfið á vettvangi AkAk sem og í svæðismiðlum á Akureyri.	Fjöldi fréttu og pistla á miðlum AkAk og í svæðismiðlum.
	Að leita nýrra tæknilegra lausna við miðlun um starf á vettvangi AkAk.	Áætlun um nýjar lausnir og þær teknar í notkun.
	Að gefa út fréttabréf um það sem er efst á baugi í starfi AkAk.	A.m.k. fimm fréttabréf gefin út.
	Að gera áætlun um viðburði bæði á vegum AkAk og í samstarfi við aðra aðila.	Viðburðaáætlun gerð.
	Að koma viðburðadagatali fyrir á heimasíðu AkAk.	Viðburðadagatali komið fyrir.
Að gefa út bækling með stefnu AkAk 2021-2025.	Bæklingur gefinn út.	

4. Ytra samstarf

Markmið	Aðgerðir/verkefni	Mælikvarðar
Að styðja við rannsóknir og fræði með því að miðla þekkingu út í samfélagið og stuðla að umræðum í samstarfi við almenning, fyrirtæki, stofnanir og opinbera aðila.	Samstarf við Háskólann á Akureyri um málþing í þeim tilgangi að vinna að uppbyggingu fræðasamfélags á Norðurlandi og stuðla að auknum sýnileika á starfi og starfsumhverfi fræðimanna á vettvangi AkAk og HA.	Málþing haldið í mars/apríl og mat á aðsókn og viðtökum. Upplýsingum miðlað til HA um innanhúsfólk AkAk samkvæmt samstarfssamningi AkAk og HA.
	Samstarf við Akureyrarbæ um endurgjaldslausu vinnuaðstöðu fyrir einstaklinga sem vinna að þróun nýsköpunar- og frumkvöðlaverkefna.	Nýting á vinnuaðstöðu og fagleg virkni.
	Samstarf við ReykjavíkurAkademíuna um samráðsfundi og málþing, miðlun hagnýtra og stjórnunartengdra upplýsinga, rannsóknir og miðlun og gagnkvæma nýtingu aðstöðu.	Fjöldi sameiginlegra funda og verkefna. Fjöldi félaga AkAk og RA sem nýta sér ákvæði samstarfssamnings um gagnkvæm afnot af aðstöðu.
	Samstarf við hjúkrunarheimilin á Akureyri um fyrirlestra akademóna fyrir íbúa heimilanna og aðra bæjarbúa.	Fjöldi fyrirlestra, aðsókn og viðtökur.
	Viðburðir á vegum AkAk fyrir almenning á Akureyri í tengslum við 160 ára afmæli Akureyrarbæjar.	Fjöldi viðburða, aðsókn og viðtökur.
	Að efla tengsl við þekkingar- og fræðasetur með því að sækja um aðild að Samtökum þekkingarsetra (SPS).	Aðild AkAk að SPS.
	Að efla tengsl við vísindastofnanir og atvinnulíf á Norðurlandi.	Fjöldi samstarfsaðila og verkefni.